




www.BibleForChildren.org


Genesis 1




Tifa na neke theo kaisei
glepo te au na, aonu
God neke vuavuhadi
maloa ghe
nauthoglu nei
gobigna lepo
fateo te
au ke
lamnadi.



Nauthoglu igne neke
fiti au nogna kolho
neke theo kaisei
nakarha tagna, neke
theome jateula te
filoni tahati gognaro
gne neku. Nu nhorora
na neke thafru neke
iko tongana heva heva
ka nauthoglu igne neke
theo kaisei naphae
tagna, aonu Tharunga
te Blahi na ne soru mei
ne tava ke kligna
nhorora.



Aonu God ne cheke eghu, "Iara na cheke ranghini naphae na mala phae!" Aonu la meila naphae na. God ne kiloni naphae igne "Narane" eghuteuna gromno na mana ne kiloni "Bongi." Rafi soru nei hamerane haghe. Igne narane ulu lahu na.



Aonu God ne cheke egghu, "Kho 'u, iagho na fnota
phea, kaisei mala au kligna nei keha na mala au pari."
Kho 'u na ne thofno leghuni chekegna God na ne fnota
phea. God ne kiloni kligna na "Maloa." Rafi soru nei
hamerane haghe. Igne fapea narane na.



Aonu God ne cheke eghu, "Kho' u pari igre na salo fodu mei mala kaisei ngala mala thakle haghe glose te moja na." Kho' ure ne thofno leghuni chekegna God na ne salo fodu mei ne thakle haghe glose te moja na.



God ne kiloni glose te moja igne "Moumolu" eghuteuna kho' u te salo fodu te kaisei ngala igre mana ne kiloni "Thongna." God ne filoni glepo te keli igne ne gleale' a fara.




Aonu God ne cheke eghe, "Thua nafnata gaju ba
buburu ba sisi teu te mala ima igre na kotu haghe ka
glose igne." Glepo igre ne thofno
leghuni chekegna God na
ne kotu haghe. God ne
filodi glepo te keli igre


ne gleale 'a fara.




Rafi soru nei hamerane haghe. Igne fatilo narane na.




Aonu God ne vuavuhadi pheijuta bi'o,
naprai ghe glaba. Ke bi'o na mala phae ka
narane, eghuteuna ke iko na mala
phae bongiro. God ne jaola neke
vuavuhadi nathunu gre. Rafi
soru nei hamerane haghe.
Igne fafati narane na.



Aonu God ne cheke egghu,
"Thongna gne mala fodu ka
thua nafnata glepo te karha.
Eghuteuna nanghaji gre
mala flalo tafri ka maloa
gne egghu." Rafi soru nei
hamerane haghe. Igne
falima narane na.




Aonu God ne cheke egghu, "Nauthoglu igne na fodu ka soasopai gna nafnata glepo te karha. Eghuteuna mala vuragha ka soasopai gna nafnata glepo te tautagu te namha ba te mhaumhaghu te bi' o ba te ikoi." Aonu glepo igre ne leghuni chekeгна God na ne au jare. God ne filodi glepo te keli igre ne gleale' a fara.




Aonu God ne cheke eghe ka mae Thugna ghe
Tharunga te Blahi, "Tatilo na vuavuha naikno mala
jateula theda eghe. Mare ginauna au nodi nolaghi ke
klignadi sasa te tao tafri ka thongna na igre nei
nanghaji te flalo tafri ka
maloa na igre nei soasopaigna
nafnata glepo te tautagu ka
nauthoglu na igre eghe."
God ne filodi glepo te
keli igre ne gleale 'a
fara. Rafi soru nei
hamerane haghe.
Igne fafamno
narane na.




Aonu LORD God ne hata mae ihei teke vuavuha mana
igne neke liliseini ke lamnagna nagare Eden, mala
tangomana mana te au jare te mala reireghini u
nagare igne.



LORD God neke cheke eghe
ka mana, "Iagho tangomana
te ima sisidi gaju te gnafa
te au ka nagare na igre.
Nu iara theome snakre
nighe iagho te ghamu
sisigna fapea gaju te au
farihotei nagare igne.
Gaju igne mala laseni
iagho unha te keli na nei
unha te di' a na eghe. Tutuani
fara, jame te ghamu iagho
sisi gna gaju igne na, iagho
ginauna na lehe!"




God hata glose ne vuavuha glepo te tautagu te gnafa
ka nauthoglu na igre nei nanghaji te gnafa teu te au ka
maloa na igre. God hata ne mei ka mae nalha' u na mala
fangangha mana. Unha nangha te lilisei
lao mana ka soasopai gna glepo te
tautagu ba ka nanghaji teu igre na,
tuare ngala nanghadire. Nu mae Adam
ne theome filoni kaisei kheragna
te mala toghoni na.




Aonu LORD God ne fathuruni mana ne thuru iho fara.
Kate thuru iho teu mana na, God ne hata kaisei
gaogaro ka thinigna mana na, eghuteuna ke lilisei
fapulo guli ka vido aheva teke
hata fajifla mana u gaogaro
tuana. LORD God ne vuavuha
kaisei ga' ase ka gaogaro
teke hata fajifla ka
mana tuana. Aonu
Lord hata ne lao
ga' ase tuana
ka mana.



Eghume mae nalha' u na mala jifla
kokodi idogna kmagna re mala au
fodu balugna khetogna na. Naugna
igne repa mala theome jateula phe
naikno egghu, nu repa mala jateula
kaisei naikno egghu kolho.



God ne namhadi fara naikno te au kau
nauthoglu igne. Naugna igne mana ne
snakre meini thofno mae Thugna
kaisei ngala mala ihei te fatutuani
ni mana na ginauna theome lehe
fabrahu, nu mana na
karha fabrahu
tifa tifa.



Rom 3:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Rom 6:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Hibru 9:27 Naikno te gnafare na kaisei
fata lehe kolho, ke leghugna igne
God ginauna fatedi mare.



Efesus 2:8,9 Ka narane teke fatutuanani ghotilo na, God neke fakarhi ghami. Ghotilo theome tangomana te fahaehaghe ghami themi neke hatini thofno nakarha na naugna gloku teke edi themire teuna. Theo. Ghotilo neke hatini thofno nakarha igne ka nogna khokofakasai God.

Rom 10:9,10 Jame te cheke egghu iagho ke uludi naikno te gnafare, "Jisas na mae funei!" Eghuteuna te thofno fatutuanani iagho ka nagnafamu na, God neke fakarha fapuloni mana kau glehe teuna, mana ginauna fakarha nigho iagho. Naugna te fatutuanani tahati ka nagnafada na, God na toggho ghita mala au doglo ka tathagna thegna na. Eghuteuna te cheke thakleni tahati noda fatutuanani na, God ginauna na fakarha ghita.



Jone 3:16,17 God ne namhadi fara naikno te
au kau nauthoglu igne. Naugna igne mana ne
snakre meini thofno mae Thugna kaisei
ngala mala ihei te fatutuani ni mana na
ginauna theome lehe fabrahu, nu mana na
karha fabrahu tifa tifa.

Naugna God neke theome kuru meini mae
Thugna na ka nauthoglu gne mala mei fateni
ihei te jafra ka nauthoglu igne, nu mei mala
karha naiknore ka mana.



Ululahu Jone 5:11-13 Igne unha te chekeni God
ka tahati na: God tusu ranghi ghita karha fei
tifa, eghuteuna karha igne mei balugna Thugna.
Eghume ihei te hatini Thugna God na hatini
thofno karha na. Nu ihei te theome hatini
Thugna God na theome hatini thofno karha na.
Iara riso ari letas igne ka ghotilo naikno te
fatutuani ni Thugna God ra. Iara riso ari ka
ghotilo mala laseni gognaro ghotilo te
hatini thofno karha na.



Jenesis 1 - 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Wycliffe Bible Translators Inc. (mrn) © 2022,
All rights reserved.

<https://www.bible.com/bible/3230/GEN.1.NKJV>

©2026 Bible for Children, Inc.

www.M1914.org

www.bibleforchildren.org

